

KABONGANA AKIN RAOI AM TAI N AE TAMAROA

*Ngkana ko moanibwaia moa te Uea,
iai nnen baikana imwiina.*

Iroun Natasha Andersen

Ana Maekatiin te Ekaretia

BWAAI

- Te tiaeki ae e kiraati
- Te tano, atama, raiti, ke atiibu aika uarereke
- Atiibu aika bubura riki (tao bon tiaaitin te booro ni kaobu, ke tao 5 cm ni bangaki)

KATAURAOI: Bairei raoi am bwai n rengarenga ni moan-taai ni nnei moa taian atiibu ake a bubura inanon te tiaeki. Kabwaka te tano ae bon tau (ke te atama, raiti, ke atiibu aika uarereke) ni kaonraka te tiaeki ni karokoa ieta. Ko na tangiria ni kan ioioa te tiaeki ngkai ko kabwaka te tano n te aro bwa e na mwaawa riki teutana. Kabwakai ngkai atiibu ao te tano ni kaokoro inanon taian kaonteina imwaain ae ko anga reirei.

Iraua mwaitin waaki ni kakukurei ae anaa nanom ni katoa bong? Ti bane ni kabanea 24 te aoa, ma e kanga aron kabonganaan te tai anne ioura e karekea te bitaki ae korakora!

Beretitenti Dallin H. Oaks, te Moan Kauntira n te Moan Beretitenti, e taku: “Mwaitin bwaai aika raroi ake ti kona ni karaoi e rion te tai ae e tau ibukin katiaaia. Tabeua bwaai a tamaroa riki nakon ake a raroi, ao aikai bwaai ake a na taraaki riki inanon maiura. . . . Ti na riai ni

katikui bwaai tabeua aika a raroi bwa ti aonga n rinei tabeua riki aika a tamaroa ke a rangi n tamaroa riki.”¹

N te waaki ae e karaoaki aei, ko na kaotia bwa tera ae na riki ngkana ti karika ana mwakuri te Uea bwa ara moanibwai.

1. KANOAAKIN TE TAI

A mwaiti waaki ni kakukurei aika raroi are ti kona ni kabongana iai ara tai ni karekea. Tuangiia kaain am utu bwa a na tibwauai tabeua bwaai ake a kabanea aia tai iaona ni karaoi ni katoa bong.

Kabwarabwara bwa te tiaeki e tei ibukin te tai. Atiibu ao te tano a tei ibukin bwaai aika kakaokoro ake ti kona ni karaoi ma ara tai: atiibu ake a bubura a tei ibukin bwaai ake e tuangiira te Uea bwa ti na moanibwai ni karaoi, n aron kamatebwaian booki aika tabu, mwakuri n ibuobuoki, te mwakuri n te tembora ao rongorongon te utu, te nanako n taromaui, ngkai te tano bon kanikinaean tabeua

waaki ni kakukurei aika raroi, n aron karaoan ara bwai n reirei ni mweengara ao ni kabanea ara tai ma raoraora.

2. TE AKI RAOI BABAIRE

Kabwaroa te tano ni kabane nako nanon te tiaeki, imwiina karin atibu ake a bubura iaona. Ngkana ko kabwaka moa te tano, akea nnen taian atiibu aika bubura—n aron te kawai are ngkana ti moanibwai moa waaki ni kakukurei tabeua iaon bwaai ake e a tia n tuangiira Tamara are i Karawa bwa ti na karaoi, e na aki tau ara tai ibukin bwaai aika a rangi ni kakaawaki riki.

3. A RIKI BWAAI N ARON AE KANTANINGA AKI

Iesu Kristo e tua, “Tai ukoukori bwain te aonaba aei ma ukoukora moa katean uean te Atua, ao ni kateimatoa ana raroi” (Ana Rairairi lotebwa Timiti, Mataio 6:38 [ni Mataio 6:33, bwaai aika a na taraaki i nano a]). Maroroakina bwa ko na kanga ni moanibwaia moa am tai man ukoukoran uean te Atua moa.

Kabwaroa kanoan am tiaeki ao manga moanna ma bwaai akane riki. Tarim ao mwaanem aika uarereke a bae n

tangiria ni kan ibuobuoki. Tuangiia bwa a nnei moa atiibu aika bubura riki inanon te tiaeki. Ngkai ko kabwaka te tano imwiina, taraia bwa e kanga ni kanoa te tabo are e mwaawa ni katobibi atiibu aika bubura ni karokoa are e bon bane n rin te tano inanon.

Titirakiniia am utu n aia iango bwa tera ae nanonaki n ana berita Russell M. Nelson aei: “Ngkana ko teimatoa n angan te Atua mwakoron am tai ae moan te kakawaki, E na kabatiaa are i mwiina.”²

MOANIBWAIA MOA TE UEA

Ngkana ti ukora karaoan ana kantaninga te Atua moa, E na buokiira ni karekea ara tai ae tau ibukin aika a riai ao ni kakukurei. Ngaia are ngkana iai rootakim ni kakaeam am tai ae tau ni katia am bwai n reirei ni mweengam, ni karikirakei am taarena, ke ni karekea motirawam ae ko kainnanaoia, butiia te Atua tera ae ko na kona ni karaoia ni moanibwaia moa am tai ni kaineti ma Ana babaire. Kam na uaia ni karaoa ami kouru n utu ni karimoa ana mwakuri te Uea—ao ami reitaki ma Ngaia—ni moanibwaia ni katoa bong. ■



KAMATAATA N TE TAMINEI IROUN DAVID HABBEN

BWAAI AIKA A NA TARA AKI

1. Dallin H. Oaks, “Raoiroi, Tamaroa, Kabanea n Tamaroa,” *Riaona*, Nobembwa 2007, 104, 107.
2. Russell M. Nelson, “Tei bwa Taan Kakooua,” *Riaona*, Oki. 2016, 51.